

von den Communicanten / Unwürdigen so wol als Würdigen / empfangen vnd genossen werden : Von jenen zwar zum Gericht : von diesen aber zum Leben vnd ewiger seligkeit.

Sein gerad zu / mache gute Kenner / wenn die Calvinisten dieses nicht glauben / so ist's am besten / sie bekennens fein rund heraus / vnd gehen nicht also mit einer vermunpften vnd verkapten Augspurg. Confession / die gen Augspurg niemaln kommen ist / herumb / wie ein Kack vmb einen heissen Breij. Denn man doch wol weis / es jhnen vmb die Aussp. Confession nicht / sondern vmb etwas anders / nemlichen vmb den Religionfriden zu thun / welchen sie also durch dis Mittel zuerlangen verhoffen.

pag. 45.

Von den Ceremonien.

Endlich vnd zum siebenden / was den vierden Hauptpuncten von den Ceremonien anlangen thut / sol der Christliche Leser wissen / das Herr Johann von Münster abermaln mit einem von jme selbstem auffgesteckten Strobusen kempffet / nemlichen / wider die Ceremonien / so ferne dieselben nach Pabstischem wahn gebraucht werden. Welches aber die Calvinisten von vnsern Kirchen noch bishero nicht erwiesen haben / noch in ewigkeit erweisen werden.

Wir